



OBAVIJEST

PRAVNIM I FIZIČKIM LICIMA O PREDUZIMANJU PREVENTIVNIH MJERA ZAŠTITE I SPAŠAVANJA OD PRIRODNIH I DRUGIH NESREĆA U ZIMSKOM I PROLJETNOM PERIODU

Budući da je tokom zimskog i proljetnog perioda povećana opasnost od izbijanja prirodnih i drugih nesreća (visoki snijeg i snježni nanosi, mraz, led, poplave, klizišta i dr.), a imajući u vidu da je u prethodnim periodima uočena neadekvatna pripremljenost većine subjekata zaštite i spašavanja u odgovoru na prirodne i druge nesreće, **ovim putem obavještavamo sva pravna i fizička lica da preventivno radi zaštite života ljudi i materijalno-tehničkih sredstva ODMAH preduzmu preventivne mjere koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), a posebno mjere koje se odnose na:**

- obavezu pravih lica da donesu planove zaštite i spašavanja za svoje djelovanje u zaštiti i spašavanju, planiranje i osiguranje materijalno-tehnička sredstva za provođenje mjera zaštite i spašavanja, organizaciju svojih snaga civilne zaštite (štabova, jedinica i povjerenika civilne zaštite), te opremanju tih snaga potrebnom opremom i sredstvima i njihovim osposobljavanju za učešće u zaštiti i spašavanju;
- provođenje lične i uzajamne zaštite građana, kao najmasovnijeg oblika pripremanja i organizovanog učešća građana u zaštiti i spašavanju ljudi i materijalnih dobara od prirodnih i drugih nesreća.

Napominjemo, da su prava i obaveze subjekata zaštite i spašavanja utvrđene su konkretno u slijedećim odredbama Zakona o zaštiti i spašavanju:

- za građane u odredbama čl. 10. do 22. Zakona,
- za organe vlasti u odredbama čl. 23. do 31. Zakona,
- za pravna lica u odredbama čl. 32. do 36. Zakona.

U navedenim zakonskim odredbama utvrđena su samo osnovna prava i dužnosti, dok su načini ostvarivanja tih prava i dužnosti razrađeni u ostalim odredbama Zakona o zaštiti i spašavanju, na odgovarajućim mjestima, na kojima se regulišu određena pitanja (odredbe čl. 37. do 203. Zakona o zaštiti i spašavanju).

Apelujemo na sve subjekte zaštite i spašavanja (pravna i fizička lica, organe vlasti, organizovane snage civilne zaštite), da odmah preduzmu navedene preventivne mjere jer će samo tako stvoriti pretpostavke za efikasniji i brže reagovanja svih subjekata sistema zaštite i spašavanja u sveobuhvatnom odgovoru na sve buduće potencijalne izazove i prijetnje, a samim tim će se izbjeći velike materijalne šteta, kao i brojne povrede i ljudske žrtve.

Za sve eventualne nejasnoće u vezi provođenja navedenih mjera možete se obratiti Kantonalnoj upravi civilne zaštite – Kantonalnom operativnom centru civilne zaštite na tel. broj 121.

